

your Indulgence, if I have flatter'd myself too much, in apprehending this Excerpt might afford you some Amusement.

---

**XVIII.** Novum reique medicæ utile *Electricitatis* inventum exponit *Joannes Henricus Winkler*, Professor *Lipsiensis*, et Societatis *Regalis Londinensis Sodalis.*

*Lipsiae, die Martii 12, 1748.*

*Read March 31. 1748.* **S**UBTILITER dividendi vim habet Electricitas. Quas vero solvit materias,

earum partes secum abripit, et in loca transfert, in quibus scintillæ electricæ existunt. Res odoratae in vitreis vasis bene naviterque conclusas et munitas ita discerpit, ut oriundæ exhalationes æque facile, ac vis magnetica, vitrum penetrant, et per atmosphæram cylindrorum et catenarum, quibuscum electricitas communicatur, instar fluminis dimanent. Quæ ex altera cylindri extremitate egreditur, materia electrica accedentem manum odore aromatico inficit. Non autem perstat odor communicatus in hac corporis parte, quam electricum flumen afflavit: sed, continuata adspiratione, odorifera materia universum corpus humanum pervadit. Non modo cutis et vestimenta fragrant, sed aer, quem pulmones reddunt, et saliva, et sudor hominis imbuti redolent aromata, quæ in vase obturato electricitate agitata sunt.

Inopinatae huic virtuti fidem faciunt observationes et experimenta, quæ sensu animoque attento capta sunt.

sunt. Anno 1747, lagenam vitream aqua implevi, in eaque nitrum solvi. Immota stetit hæc lagenam per aliquot hebdomadas. Limpida igitur facta erat aqua, postquam nitri partes graviores fundum petierant. Sub finem anni in hanc limpidadam aquam immisi filum metallicum, idque cum aliquo tubo metallico ex filis sericis suspensiō conjunxi. Sub isto tubo diversis temporibus jam metalla, jam vasa metallica aquis repleta, in quibus sphæræ vitreæ minutis metallicis impletæ locum habebant, collocavi. His adornatis, excitavi electricitatem. Tetigit ignis electricus supposita corpora. Repetii electricitatis agitationem per complures dies. Tum vero in metallis et vasis, quæ sub tubo metallico ista fuerant electrico igne, præter opinionem deprehendebam partium nitrosarum varie contextarum magnam copiam. Plura adhuc in conclave, ubi experimenta institueram, vasa posita erant, quæ vero electrica materia ex tubo metallico non percusserat. In his nullum erat vestigium nitri. Ex quibus facile conjectu est, ex aqua nitri partes electricitate abripi, derivarique in loca, quæ igne electrico feriuntur.

Sub anni præsentis 1748 initium Venetiis literas accipiebam, quæ hanc conjecturam maxime confirmant. Auctor literarum, *Joannes Daniel Gaifel*, rem narrabat, quæ *Venetiis, Bononiae*, aliisque in urbibus *Italie* doctissimorum summorumque viorum animos excitavit. Adjecta erat epistola *Italica*, typisque expressa\*, quam *Jo. Franciscus Pevati*,

vir

\* Lettere sopra L' Electricità principalmente per quanto spetta alla Medicina. In *Venezia appresso Simone Occhi*, con Licenza de Superiori 1747.

vir juris scientia præstantissimus, reipublicæ *Venetæ* revisor, et typographicorum inspector supremus, contexit. In hac epistola, quæ de electricitate medica inscribitur, clarissimus *Pivati* mirabilitatis plenorum effectuum historiam Academiae *Bononiensis* secretario *Francisco Mariae Zanotti* exponit. Artem vero, qua, quæ tradit, effecta sunt, ipse reperit atque adhibuit *Pivati*. Manifestum virtutis suæ exemplum electricitas in balsamo *Peruviano* edidit. Hic in cylindro vitreo ita inclusus atque abditus latuit, ut, antequam electricitas adhiberetur, per vitrum omni cura obseptum nihil transmitteret odoratui obvium. Hac in custodia cum esset balsamus, ad cylindrum vitreum accedit homo, qui costæ alicujus dolore affectus, suasu medici hyssopum parti morbidae applicuerat. Fricatur cylindrus, excitatur electricitas, imbuitur eadem ægri corpus, afflictus domum discedit, somnum capit, sudorem emittit, balsamique vim dispergit. Vestimenta, lectus, cubiculum, odorem balsami spirant. Somno recreatus capillos peccit. Hos vero balsami vapor ita penetraverat, ut peccatum suavi odore inficeretur. Postridie sagacissimus *Pivati* hominem bene valentem hujus rei prorsus ignarum eadem, quam pridie ægrotus acceperat, electricitate implet. Hic inscius consilii, quo eum electricitatem subire jussérat *Pivati*, relictis hujus ædibus, post horam dimidiā, cum in sodalitio versaretur, temporem sentit sensim per totum corpus se diffundentem. Vigescit, et, præter melancholicam corporis sui temperaturam, hilaritate movetur. Inter quos agit, sodales odorantur miranturque suavitatem certam nescii, unde existat. Is ipse, ex quo spiritus illi jucundi effugiunt, corporis sui odorem sentiscit,

et

et miratur quid causæ subsit, inscius plane virium, quibus ex vitro cylindro sapientissimi *Pivati* impletus acceſſerat.

Portentosæ hujus rei expositione vehementer excitatæ certas statim experiri coepi materias, in quibus electrica virtus ciceri potest. Facta pericula veritatem comprobarunt. Contritum sulphur immittebam in sphæram vitream ita operculatam et obliquitam, ut ex ea super igni versata nihil sulphuris odoratui occurreret. Sphæra refrigerata, adhibebam electricitatem. Protinus sulphurei vapores prodibant, qui electricitatis continuatione ita referiebant aerem, ut ad decem plurimumque pedum distantiam nares ferirent. Amicum quendam, in re electrica apprime versatum, professorem philosophiæ extraordinarium *Hauboldum*, aliosque homines suscepti negotii partim rudes, partim conscos advocabam testes et judices, qui vero graveolentia sulphuris statim abigebantur. Ego vero aliquanto diutius atmosphæræ sulphuratae immoratus foctore abundabam. Vestes, corpus, et ipse spiritus oris foctebant. Imo die post sulphur olebam: quin, instituta repetitione, cum me convenisset virium sulphurearum peritus, siebat, ut tertio die signa inflammati sanguinis in ore conspicerentur. Posthæc molitus sum effectionem odoris jucundi. Replevi sphæram vitream cinnamomo. In quo eadem, qua dixi, cura et ratione circumsepto cum electricitas vires suas experiretur: adstantibus halitus cinnamomei occurrebant paucō tempore ita augeſcentes, ut per universum conclave dissipati intrantium nares statim occuparent. Ad posterum diem conclave aromaticum odorem servavit. Pari successu balsamum *Peruvianum* tentavi. Amicus nominatus, cuius

cujus testimonio carere nolebam, postquam electricitatis adminiculo vim balsami conceperat, tantum odorem spiravit, ut per plateas digressus cœnatum convivarum naribus negotium faciens interrogatus fuerit saepius, quid odoraminiis haberet. Ego postridie, cum potum Thée gustarem, insolita saporis suavitate afficiebar. Dimota suspicione, qua ductus de admisto aromate percontabar, ex reliquis in ore spiritibus balsaminis imbuī saporem cognoscebam. Paucis interjectis diebus tentamen redorsi a vitrea sphæra, in qua balsamus *Peruvianus* conclusus nihil omnino exspirabat, catenam in conclavi extensam per fenes-tram libero aeri commisimus, ex eoque in conclave a priori prorsus scjunctum produximus. In hoc suspensam ex filis sericis catenam in manus tradebamus homini extenso reti serico superstanti, nostrique instituti plane rudi. Commotis aliquamdiu electricitatis viribus homo tenens catenam interrogatus, numquid subodoraretur, nares intendens annuebat; quo vero nomine nuncuparet odorem, nescire se profitebatur. Per horæ quadrantem continuatis commotionibus electricis, ita olebat conclave hoc, ut homo, cui de balsamo nostro nihil constabat, dulci odore, qualis in balsamo certo reperi-retur, nares suas impleri diceret. Ex somno, quem in domo ab isto conclavi longe dissipata cœpit, mane surrexit admodum alacris, et ex potu Thée gustato saporem solito gratiorem percepit.

His pensatis, non dubito, quin, si quid auxilii petere posse medicinam ex vi electrica existimem, opinione duci videar probabili. Quæ ab arte salutari expectari potest, utilitatis duo præcipue sunt capita. Aut enim res nocivæ, quæ sanguini cæterisque corporis

poris humoribus immixtae sanitati officiunt, segregandæ sunt atque expellendæ: aut salubres, quæ ad tuendam firmam dampnum valetudinem profundunt, infestendæ et distribuendæ. In utroque genere adjutrix adhiberi potest electricitas. Hæc enim simul ac corpus humanum tangit, e momento hoc ita permeat, ut nullus in eo locus sit in quo non versetur. Quod compluribus indubiose experimentis patet. Vi autem tanta pervadit, ut, quod in corporibus volatile effici potest, hoc non solum solvat, sed etiam dissipet et secum abripiat. Nihil igitur est, quod dubitemus, sanguinem quocum electricitas communicatur, in partes minutiores discerpi, earum quam plurimas a massa sanguinea divelli, et brevi tempore in aerem dispelli. Non retundit vim electricam sanguinis tenacitas, non cohibet avulsionem venarum firmitas, non reprimit pinguedo. Vitri cohærentia, licet multo firmior sit venarum et carnis et cutis contextu, tamen impedire non potest, quoniam spiritus et aromata in partes solvantur per vitri angustias avolantes. Satis igitur causæ habere videmur existimandi, electricitate effici posse, ut ex sanguine pariter ac reliquo corpore materiali certæ secernantur.

Sanguinem et humores corporis per electricitatem valde agitari, resolvi et attenuari patet. Novi enim feminam, cui statim catamenia profluunt, cum electricitatem subeat. Medicus quidam nomine *Thebesius* ante paucos dies mihi scripsit *Hirschbergio* in *Silesia*, sibi nuper, si electricitatem patiatur, hæmorrhagiam narium semper supervenire.

Non autem disjungendi tantum et expellendi vim habet electricitas, sed potentissima etiam est ad locupletandum sanguinem viribus, quæ in plantis et mineralibus

neralibus continentur. Quod ex iis, quæ de sulphure, cinnamomo et balsamo *Peruviano* exposui, satis intelligi arbitror. Electrica via nutriendi sanguinem cum in hoc, quod sanguini sine stomachi ope alimenta suggerit, a consueta medicis ratione differt, tum halitibus, qui, quod per vitrum migrârunt, subtilitate et puritate excellunt, succum vitalem ditat. Medicamenta, quæ ore accepta in stomachum ingruntur, antequam cum sanguine misceri possunt, per multas longasque vias errare, in iisque immutari debent. Sed qui alma electricitate aguntur, spiritus sine his anfractibus sanguinem influunt. Interdum aliqua corporis pars ex eo laborat, quod viæ, per quas sanguis aut alias liquor affluere debet, adeo obstructæ sunt, ut, quæ adhibentur, remedia ad eas aperiendas aut nihil valeant, aut longo tempore opus habeant. Quam vero partem afflatu contingunt electricitate proiecta spiramina, hanc perniciter aperiunt penitusque penetrant.

Medicinae igitur artisque electricæ coniunctione effici posse existimo novas felicesque morborum curationes, quarum exempla insignia edidit prudentissimus *Pivati* scientis exercitatique medici consilio usus. Impeditum obstructumque fluxum sanguinis in femina aliqua statim restituit, ita tractatis remedii, quæ adhiberi solent, ut eorum vires ex cylindris vitreis, in quibus occlusa fuere, electricitatis adminiculò corpus ægrotantis attigerint. *Pivati* curam imploravit nobilis juvenis, ex collecti corruptique in pede humoris abundantia adçō misere affectus, ut morbus operam medicorum omnem eluderet. *Pivati* vitreum cylindrum rebus congruis impletum instructumque ope machinæ electricæ fricat; electricitatem

citatem in ægrotum derivat; ex loco, in quo morbus residebat, scintillas electricas elicit, idque per aliquot minuta prima continuat. Nox sequitur, ægrotus se somno tradit, quiete fruitur dolore mitigato, evigilat, prope talum parvum sed rubrum tuberculum videt, nil nisi pruritum sentit frigido quasi humore per interiorem pedem fluente. Per octiduum singulis noctibus peringenti sudore maduit, et, exacto hoc tempore restitutus bene valuit. Post Episcopum *Sebenecensis*, *Donadoni*, cum medico suo et nonnullis amicis ad *Pivati* accessit. Præful annos septuaginta quinque eo tempore natus manuum pariter ac pedum doloribus ex longa annorum serie laborabat. Chiragra digitos ita incurvaverat, ut extendi flectique vix possent. Podagra eum ita afflixerat, ut genua flectere ægre valeret. Adeo miser erat, ut noctu somnum capturus a servis ex sella prope lectum collocata in hunc transponendus esset, pedibus ante leniter repositis. Æger senex petuit a *Pivati*, ut experiretur, quid electricitas in corpore suo valeret. Modus medendi fuit sequens. Cylindrus vitreus complexus materias viribus discussoriis instruclas ita agitatur, ut virtus electrica prodeat in Præfulem. Hic derepente commotiones insolitas in digitis sentit. Actio electricitatis per duo minuta prima continuatur. Opinione citius Præful libere alacriterque utramque manum dilatat et contrahit, unum ex comitibus manu vehementer apprehendit, surgit, ambulat, manum manui allidit, sellam occupat, pedem unum supplodit, et vires suas miratur nescius quasi vigiletne an somniet. Abit ex conclavi, sine manu adjutrice scalam descendit, et more valentis juvenis in lembum se confert. Paulo post

*Pivati* matronam sexagenariam simili modo libera-  
vit arthritide, qua sex menses vexata fuerat. In magno  
tumore fuerunt digiti continuo trementes, et bra-  
chium unum convolutionibus agitatum est. Sed post  
duo minuta prima, quam vires electricitatis experta  
erat, tremor digitorum desit. Postero die tumor  
ita decrevit, ut chirothecas induere, et officio ma-  
nuum fungi potuerit matrona.

Hæc adeo clara sunt, ut nullus videatur locus du-  
bitandi de auxilio, quod medicinam sibi ex electrici-  
tate comparare posse censeo. Qua in sententia an-  
num meum confirmat suffragium, quo judicii ple-  
nus et in re medica versatissimus *Morgagni*, in  
academia *Patavina* anatomæ professor, explicatum  
sibi a *Pivati* negotium egregie comprobavit, eum-  
que, subministratis consiliis, impense cohortatus est  
ad rem medicinæ accommodatam generique humano  
fructuosissimam novis subinde laboribus perficiendam.

XIX. *A Letter from Mr. Henry Baker  
F. R. S, to the President, concerning several  
Medical Experiments of Electricity.*

*S I R,*

*Read March 13.  
1748.* **T**HOUGH perhaps as many curious  
and well-contrived Experiments  
have been made in *England* as in all the other  
Parts of *Europe*, to discover the general Laws and  
Properties of *Electricity*; we have not hitherto at-  
tended to the Effects that may be thereby produced  
in the Bodies of living Animals, any further than

to